



DEO OPTIMO MAX.  
UNI ET TRINO.

VIRGINI DEIPARÆ, ET S. LUCE  
Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS  
manè discutienda, in Scholis Medicorum, die Jovis vigesimo  
Januarii, anni M. D.C.C. XXXV.

M. HENRICO-FRANCISCO BOURDELIN,  
Doctore Medico, Præfide.

*An variis secernendis Humoribus, varias Sanguinis motus?*

1.



SECRETIONIS nomine venit intelligenda corporis functio, quâ peculiaris humor à sanguine separatur, separatus in organo peculiari deponitur. Omnes in corpore, quotquot Secernuntur, humores è fecundo Sanguinis alveo vel proximè, vel remotè, suam trahunt originem. Exurgit inde differentia secretionum, & earum in primarias & secundarias divisio. Separatus à sanguine liquor, si suum immediatè colatorium subeat, tunc dicitur primaria: si pluribus dispartiat in canalibus, & ulterius elaboretur, antequam destinatum sibi locum attingat, tunc secundaria vocatur secretio. Inter primarias, Bilis, Urinæ, Salivæ, succi pancreatici & com-

A

plurium humorum secretiones jure recensueris. Secundariis, spirituum animalium separationem, nutritionis & perspirationis materiei confectionem, merito annumeraveris. Secretorum humorum differentiationem postulas? Hanc ab illorum tenuiori vel crassiori compage depromas. Omnium scilicet humorum eadem est basis. E partibus salinis, oleosis, phlegmaticis, terrestribus coalescunt. Pro diversâ illarum partium miscelâ, variâ mole, varioque prædominio solutionem aut crassiorem humores texturam fortiuntur. Secretionum præstantiam & necessitatem quæris? Animalem œconomiam propius inspicere. Quam à secretionibus auspicatur homo, earumdem beneficio secretionum vitam hunc conservare comperies. Iis si quidem sublatis corporis fabrica, quo stat vigetque, motu, eodem brevi corrueret. Perpetuâ enim solidas inter & fluidas partes collisione, fibræ detererentur, humores exhalarent, & nimio calore perversam crasim adipiscerentur: indè illarum inertia, horum penuriâ pravâque indole ineluctabilis toti machinæ clades citius immineret. Ne igitur, vix dùm natus, homo præcepti gressu rueret ad interitum, illud naturæ moliendum fuit, ut corpori suppeteret, unde resarcirentur amissa, depravata vel emendarentur, vel prorsus exularent. Hoc præstant secretiones, quibus perficiendis collimat & artificiosa corporis compages, & mirabilis dissimilium, quibus illa coalescit, partium consensus. Hinc ubique vel secretiones conficientem, vel iis conficiendis allaborantem irrequietè naturam intelliges. Quot enim corporis partes introspexeris, tot dicata secretionibus organa merito dixeris. Nec aliud testantur in corpore multiplex adeo viscerum apparatus, infinita propemodum vasorum tum diametro, tum naturâ discrepantium congeries, Glandularum fere ubi-vis luxuriantium multitudo, receptaculorum nunc hîc, nunc illic dispositorum numerus, humorum nullibi non scaturientium, nullibi non diversorum copia. Hæc & certas leges, secundum quas movetur sanguis, si minuscullueris; in evolvendo secretionum negotio ludis operam; nec enim artificium, quo separantur humores, attigeris: nec verum, à quo dimanant humores secreti, fontem retexeris.

## I L.

**G**LANDULA præcipuum secretionis organum apud antiquos & recentiorum complures audit. De illius structurâ non ita constat inter Anatomicos. Plurimi solertissimo duce Malpighio glandulam, cavum esse propriâ involutum membranâ, duobus instructum vasis, secretorio nimirum & excretorio contendunt. Cæteri sedulum naturæ scrutatorem Ruyschium secuti, glandulas, è productis arteriarum propaginibus conflatos glomeres, propriâ

cinctos membranâ, omni folliculo destitutos, definiunt. Hos inter viros litem dirimere nimis arduum est. Nec ab illius quæstionis solutione, ad explicandum secretionis Mechanismum major fieret lucis accessio. Nam glandula qualicumque structurâ donetur, hæc à sanguine jam separatum humorem excipit. Quoniam autem artificio separatus à glandulis humor recipiatur explorare; omnium ætatum Medicis hoc opus, hic labor fuit. In proximâ secretionum assignandâ causâ cassam ferè omnes operam contulerunt. Hinc tot fictitiæ pullularunt hypothesæ, quarum tenebris tandiu fuit obnubilata Medicina. Veterum facultates attractrices è suo pulvere non excutimus. Harum meminisse, has refellere est. Inter Neotericos plurimi, somniis veterum simillimas amplexi sunt sententias. Quid enim aliud solum humores primigenii singulis colatorii hærentes, fermenta per omnes glandulas disseminata? Alii, rejectis fermentorum figmentis, Physicos mentiti, præexistentem formaliter in ipso sanguine secernendorum humorum materiam rectè quidem suspicati sunt; at in explicando illius materie secretionæ modo, planè cecutierunt. Varios enim finxerunt in colatorii variæ figuræ & magnitudinis poros, à quibus ejusdem magnitudinis & figuræ partes cruoris admitterentur; diversæ arcerentur. Quàm ruinosis illud systema nitatur fundamentis, nemo vel leviter in physiologicis versatus non perspicit. Paucis, quibus clarior & explorata magis contigit animalis œconomia cognitio, datum fuit altiùs sapere. Nullas judicarunt inesse glandulis facultates, nulla fermenta, nullos peculiares poros, quibus secernendi humores allicerentur, crearentur, aut à sanguine delectu quodam extricarentur. Rati igitur in glandulis nec inchoari nec perfici secretiones, abstrusum hoc opus è remotiori loco machinari naturam sagaciter subodorati sunt. Illius itaque vestigiis, Anatomia præferente facem, institerunt; eam pressò pede secuti laborantem in occulto propius intropexerunt, imò & operanti propèdicam astiterunt; separatas nimirum, suisque numeris omnibus absolutas, nondum salutato colatorio, natantes in sanguine mox secernendorum humorum partes viderunt. Sic aperto venæ portarum sinu, Bilis: sectâ emulgente arteriâ, Urinæ partes jam confectas, suoque colore præditas, iis, jucundo sanè spectaculo, licuit conspiciere. Inde patet humorum partes vel in ipsis, quibus ad colataria cruor vehitur, canalibus separari, in glandulis aut alibi deponendas. Non enim omnes segregati liquores eodem feruntur tramite. Qui perspirat à cute & à pulmonibus humor tenuissimus, non interrupto cursu per extremas arteriarum propagines exhalat.

**Q**UAM in secretionibus peractis multiplicem vides, in iis peragendis simplicem naturam stupeas. Solo scilicet variato sanguinis motu, quotquot perficiuntur in corpore, secretiones exequitur. Hinc ratione humoris secernendi, variè disposita, diverso arteriarum apparatu, numero, instructa colatoria, sanguinem vehentes tubos nunc longius, nunc brevius iter conficere, latioribus modò, modò arctioribus gaudere diametris, in diversos angulos, arcus, orbes sinuari, ibi plures, ibi pauciores emitte propagines, aliàs firmioribus, debilioribus aliàs membranis circumcingi; ubi ad cætera viscera contendunt, arteriosos, ad solum pergentes hepar, venosos esse deprehendes. Verùm per vias adeo dissimiles, properantem ad organa tam variè dissita sanguinem, quot varii manent obices superandi, quos nisi vario motus sui dispendio vincere nullatenus poterit? A variâ igitur partium, quibus & ad quas vehitur sanguis, dispositione mechanicâ, variè tardigradum sanguinem fieri necessum est. Quis autem à tardato sanguinis motu, quasdam ab illius compage partes humorum debere extricari, & ad latera secedere non sentit? Quæ quidè partes dum sic ad latera secedunt, 1<sup>o</sup>. remouentur à centro motus. Hinc imminui debet earum velocitas. 2<sup>o</sup>. in vasorum parietes feruntur. Iis indè vincendus obex nascitur, quem dum superare moliantur, majus adhuc celeritatis suæ detrimentum pati, & aliquas veluti moras necere coguntur. Has autem dum nectunt moras, sibi sunt obviæ, secum invicem coeunt, in mutuos ruunt amplexus. Sic Sociatæ, non tam currunt, quàm repunt. Major ideo fit earum ad parietes affricus, magis imminuta velocitas. Cùm autem arteriarum tubi sint conici, & liquores versùs earum apicem truantur, fieri non potest quin laterales fluidi columnæ ferantur in parietes, eò majori copiâ, quò erunt apici propiores: indè etiam, eadem proportionè, ad majorem cohesionem, tardioremque idcirco motum, earum pronitas augebitur. Sic in extremis arteriis glandulæ propioribus, duplex erit humor duplici motu citus, alter ad peripheriam lentius, alter in centro citius movebitur. Crescentibus demum versùs parietes motus impeditentis, eò usque decreset lateralis humoris velocitas, donec in ipso præcisè puncto, ubi secretorium vas hiât, in arteriâ quasi quiescere videatur: tunc in aditu secretorii liberius spatium nactus, illud tum opportunâ vasis dispositione, tum reliqui cruoris in centro fluentis vi & impulsu determinatus adibit, dum residuus liquor per reflexam extremitatem venæ infundetur. Assequeris jam è tardiùs fluente sanguine quasdam ex illius alveo partes separari, separatas ad sua colatoria de-

ferri. Quæris ulteriùs an idem in sanguine tarditatis gradus variis humorum partibus separandis requiratur? Sanguinis compositiorem, diversam quibus scatet partium indolem, molem, cum propriè sanguineis partibus adhæsiorem scruteris. Non eundem, sed eò majorem quò crassiores, minorem verò quò tenuiores secerantur, humores tarditatis gradum sibi postulare comperies. Hinc ubi crassioris alicujus humoris secretionem natura meditatatur, huic dictum secretioni viscus à corde remotissimum est, longissimum & sexcentis impeditum modis iter cruor emittit, quò lentiore suo cursu viscosarum partium separationi, faciliorem anam præbeat. Bilis secretionem intueri. Quantum quàmque insolitum conficit itineris spatium, Biliosam in Hepate materiam depositur, cruor? Quot obices cum summâ suâ velocitatis jacturâ superandos habet, ut ad illud viscus tandem adrepit? Si dilutionis peragenda sit humoris secretio, colatorium cordi majoribusque arteriis vicinius est. Ad illud brevior viâ sanguis appellit. Ipsi motui pauciora neccuntur impedimenta. Sic ab aortâ inferiore per Emulgentem arteriam illiusque propagines, inter eundem parum tardat, sanguis ad Renales glandulas urinæ materiam vehit. Varias denique secretiones perlustra. Deteges colatorium eo situ, eâ gaudere fabricâ, vasa, quibus ad colatorium tendit sanguis, eâ longitudine, diametro, directione gaudere, quibus requisitum hujus vel illius humoris separationi, gradum tarditatis cruor adipisci jubeatur.

#### I V.

**I**N sanguinis alveum secernendos humores à chylis derivari, nemo diffidet. Horum partes humorum in pulmonibus cum sanguine miscentur intimiùs, mutuam societatis fœdus ineunt. Hoc sanguinis in pulmonum canalibus densior facta compages evincit. Non omnes tamen chyli partes cum cruore pari nexu vincuntur. Imò dantur quæ sanguini tantum contiguæ remaneant, nullius, præ lubricitate suâ, cohesionis capaces. Tales sunt phlegmaticæ. Quibus verò cohærendi vis contigit, prout solutiorem aut viscosiorem texturam sortiuntur, strictiùs aut laxiùs cum sanguineis partibus uniuntur. Indè fit ut suam diutiùs servant societatem, aut ab eâ citiùs desciscant. Humoribus partes, cum sanguine sic sociatæ, novam acquirunt molem. Hæc moles varia est, pro variâ illorum crassitie aut tenuitate. Hanc molem diutiùs retinent vel citiùs amittunt, prout magis aut minus secum invicem cohærent. Per arterias ad omnia, si jecur exceperis, corporis colatoria cruor appellit. Ab arteriarum vi contractili & variâ sanguinis partium mole necessariò contingit, ut diversæ cruoris partes vario juxta vasorum axem ordine moveantur. Hæc nimirum fluant axi propiores, illæ verò magis ab axe removcantur, aliæ demùm fluendo vaso-



rum parietes lambant. Non potest enim arteria se se contrahere, quin contentas sanguinis partes versùs idem centrum impellat. Cùm autem aliæ majorem, minorem aliæ molem habeant, necessum est ut ratione illius molis diversæ, variâ, suæque moli proportionatâ vi, versùs illud centrum determinantur. Hinc mole majores secundùm axem fluere, mole minores ab eo removeri, ratione majoris levitatis suæ, necessum erit: ita ut quæ minimam obtinebunt molem ad peripheriam trudentur. Præterea dum se se contrahunt arteriæ, comprimitur sanguis contentus. Cùm autem variâ sit arteriarum contractio, prout cordi sunt propiores, aut ab eo remotiores, variè sanguis comprimitur, hinc ubi fortius se contrahent arteriæ, major erit sanguinis pressio. Ab illâ validiori sanguinis pressione, mutua ejus partium cum humorum partibus cohesio fovebitur. Harum servatâ partium cohesione, quæ dependet ab eâ, singulis sua moles servabitur. Hinc in canale debitum suæ massæ locum occupabunt. In majoribus igitur arteriis omnes, quæ cum sanguine coherent, humorum partes ipsi sociatæ remanebunt; & versùs centrum molis suæ ratione ferentur, aliis levioribus, ut aquosis, nulliusque cohesionis capacibus versùs peripheriam semotis. Ubi minor fiet contractio, minùs comprimetur sanguis. Hinc ea, quæ laxiori nequantur vinculo, tenacès minùs humorum particulae, aut infito sibi, aut ab interjectis aëris moleculis oriundo elatere, à se disjungentur. Hæc mutuâ sejunctione minores acquirunt moles. Imminutâ mole, à centro trudentur ad vasis parietes. Tandem magis ac magis decresciente arteriarum contractione, jam sui juris fient, quæ sanguini intimè adhærent partes, nullâ mutuam earum separationem prohibente causâ, suos libere nifus exerent, ab eâ, cui non nisi invitæ obsequiebantur, cohesione discedent, ad latera, debitum minori suæ moli locum sibi vindicaturæ. Ergo variâ vi se contrahentibus arteriis, variæ humorum partes à sanguine debent extricari, & ad latera secedere. Quis autem à vario sanguinis motu variam pendere contractionem arteriarum non perspicit? Hanc igitur diversarum, è sanguinis gremio, partium extricationem & ad latera secessum, à vario ejusdem sanguinis motu proficisci concludas. Hæc mechanicâ cruor in arteriis varias humorum partes è suo sinu depromit. Ubi verò biliosas partes, quæ cæteros humores suâ crassitie superant, ipsique striclius adhærent, excutiendas habet, Arteriosos deserit tramites, mobiliore suâ parte in iis relictâ: ab omni pressione se removet. Venosos portarum tractus subit: Ibi dum è spatiis arctioribus in latiora defluit: Quem crassior ejus compages necessariò lentum facit, lentorem adhuc efficit ejus motum opportuna, quos præterlabitur, canalium dispositio. Sic, omnibus jam semotis obicibus, ab ejus catenis se tandem exolvunt viscidiores particulae, se se expandunt, vicinæ vicinas arripiunt; inde

minùs aptam fluendo sortiuntur figuram. Egeruntur ad latera, tardiùs reliquo sanguine moventur, sibi occurrunt, secum invicem coeunt. Non mirum itaque, si in ipso venarum portarum sinu jam separatae videantur bilis particulæ. Vides igitur tum in arteriis tum in venarum portarum è sanguinis variè fluentis gremio, debitas quibusque secretionibus, humorum partes ablegari.

## V.

**A**T inquires? secundùm expositam in aliis Secretionibus, quarundam è Sanguine partium separationem & ad vasorum latera secessum, in hepate bilis, oriundos à cavâ, furculos adibit, cruor verò per poros biliarios fertur. Probat enim Anatomia cavæ radices lateraliter venarum portarum inferi propaginibus, quæ recto tramite in poros biliares desinunt. Minimè gentium. Adductum à nobis superiùs mechanismum, immutatam in hepate portarum venarum conditionem, majorem reliquo sanguine partium biliosarum molem perpendas; eadem ac cæteros humores mechanica, suas in jecore subire glandulas bilem comperies. Vena portarum, simul ac hepar ingressa est, arteriosam obtinet figuram: non omnino contractionis expertem, à validâ Glissonii, quâ cingitur, tunica vim mutuatur. Hanc vim adauget arteria hepatica ipsi comes individua. Hinc ejusdem ac arteria, in contentum sanguinem fit actionis capax. Ideo in ejus propaginibus, non secus ac in arteriis, contentæ partes, ratione molis suæ, versùs axem trudentur. Cùm autem biliosæ partes majorem sibi molem vindicent, fluent axi propiores, levioribus cruoris partibus ad latera semotis. Recto igitur tramite biliarium pororum oscula bilis subibit; reliquo cruore, per latera cavæ propagines salutaturo. Majorem dubitas præ Sanguineis partibus molem sibi vindicare partes biliosas? Bilis & Sanguinis parem mensuram pondera. Cruorem decimâ-sextà parte levior bile intelliges. Nec nobis obtrudas è tardiùs fluente per vasa cerebri sanguine tenuissimam spirituum animalium materiam segregari. Non enim credas succi nervei partes eadem præditas esse tenuitate, dum secretorium canalem subeunt, ac post quàm suas attigerunt glandulas. In arteriis cerebri, humor eâ donatus crassitie, quam facit sanguinis imminuta velocitas, è cruoris alveo separatur, separatus eadem, ac in reliquis secretionibus, arte vas secretorium ingreditur, at inde per innumeros canaliculos dispersit, ulteriorem sortitur elaborationem. Pone tibi ob oculos, in arteriosi canalis extremitatem lateraliter hians, vas Secretorium. Finge illud Secretorium in plures dividi tubulos, ex his tubulis plures adhuc sobolescere propagines. An humor, quem Sanguis impertitur huic vasi secretorio, unde nascuntur alii tubuli, poterit per eorum multiplices & exilissimas diametros destinatum sibi locum attingere, quin summam suarum partium divisionem

patiatur? At illa hujus humoris divisio nullatenus erit in Sanguinis motum refundenda. Quod de spirituum animalium secretionem dicimus, illud de aliis secretionibus secundariis dictum intellige. Peculiare vasorum in Pulmonibus directiones, alternata pulmonares distendentis vesiculas aëris pressio densandum Sanguinem indicant; densatum evincunt tum arctiora venæ pulmonaris & sinistri cordis ventriculi spatia, tum rutilantior ejus à pulmonum egressu rubedo. An potes hanc in Pulmonibus densationem cruoris assequi, nisi etiam diversas cum eo partes humorum uniri intelligas? Hanc in arteriis quoque densitatem, hanc cohesionem cruoris partes prolixe debitæ vi premuntur, conservare cur negares? Cui bono harum in Pulmonibus Natura esset molita cohesionem partium, quæ fuissent à Pulmonum egressu in majoribus arteriis statim à se disjungiendæ? Perpendas arteriarum structuram; earum validiori contractione cruoris partes juxta se invicem magis premi, majorique contactu se tangere compertum habebis. Quomodo igitur ab illa partium juxta se invicem pressione; earum à se divisionem erues? Quin potius fatearis fabricatam à pressione in Pulmonibus variam earum intricacionem, à pressione quoque in arteriis foveri, pro variâ prementium arteriarum vi. Si parum ratiocinio confidis; ac tuis crede oculis. Arteriosum & venosum Sanguinem inspicere: micantior illius, hujus obscurior rubedo assertionis nostræ veritatem ultro comprobabit.

*Ergo varis Humoribus discernendis, variis Sanguinis Motus.*

## DOMINI DOCTORES DISPUTATURI.

*M. Thomas-Renatus Gasnier,*

*M. Petrus Maloet, Consultarius & Medicus Regis ordinarius, necnon Domus Regiæ Invalidorum Ducum & Militum Academicæ Scientiarum Regiæ Socius.*

*M. Joannes Herment, Medicus Regis ordinarius.*

*M. Philippus Davier de Breuille, Doctore Hispaniarum Regiæ Medicus perpetuo ordinarius.*

*M. Guillelmus de Magny.*

*M. Jacobus Fourneau.*

*M. Jacobus Trant, à Regiâ Scientiarum Academicâ.*

*M. Gabriel-Antonius Jacques.*

*M. Michael-Ludovicus Renardine de la Garenne, Facultatis Decanus, & Regiæ Scientiarum Academicæ Socius.*

Proponebat Parisiis, CAROLUS PAYEN, Parisinus,  
Baccalaureus Medicus, A. R. S. H. 1735.  
à sextâ ad meridiem,